

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. XVI. Josephus Vallemanus Fabrianensis.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)



No. XVI.

JOSEPHUS VALLEMANUS FABRIANENSIS.

Josephus tit. S. Mariæ Angelorum Cardinalis Vallemanus Fabrianensis in lucem prodiit An. 1648. in urbe Firmana, quæ in Piceno agro sita est, & Archiepiscopatus honorem sibi adjunctum habet. Eadem porro urbs religionis antiquitate, suæ dioeceseos amplitudine, & principatus vetustissimo titulo ante omnes, quotquot in Piceno agro reperiuntur, memoranda venit; verùm eam, compluribus licet Pontificiis & Imperatoriis privilegiis ornatissimam, non minus antiquissima Vallemanorum Familia illustrat, cujus tanta per integrum Italiæ meritæ existunt, ut sacræ æquè ac ci-vilis reipublicæ Athlantes nunquam non visi sint, quibus succollata multarum provinciarum felicitas inconcussa steterat. His novum gloriae additamentum accedit Eminentissimus Cardinalis Josephus Vallemanus, vir omnium judicio summus, & quem non vulgares Musæ, quas ille à teneris in consortium admisit, ad altissima quæque jam dudum destinabant; cùm pulcherrimas insuper virtutes scientiæ jungeret, in arce sanctitatis ac sapientiæ nemini non aliquando collocandus videbatur. Pla-nè prompti consilii, excelsi animi, admirandæ eruditionis, profundissimi judicij, sum-mæ in proferendis sententiis gravitatis, ac incorrupti in omnibus actionibus candoris principem cuncti deprædicant; qui cunctis benefacere, penè in naturam traxit; hinc non modo pronus populi amores Suavi quadam violentiæ, & aureo beneficentiae ha-mo ad se attraxit; verùm etiam, quantum in animis plebis princeps popularis domi-natur, tantum apud viros principes, aulis natus dynasta favoris sibi conciliavit; nam largiter & hospitaliter, & prolixâ humanitate, ac sumptuoso decore proceres excipien-do, eam denique virtutem cunctis exhibet, quam dignam viro principe magnificen-tiam omnes indigitamus. Igitur isthoc Anconitanæ nobilitatis gemma, tot secum de-cora afferens, Roma insignium virorum fautrix ascivit; quæ certè suam in eo gloriam repositam existimat, si pro pulcherrimâ corollâ, quam sacro capiti circumponat, ejus-modi fragrantissimi virtutum flores exquisitissimo selectu segregentur. Vallemanum itaque Clemens XI. Pontifex Sapientissimus, solam virtutem suo dignatus suffragio, in summis amoribus semper habuit; certè cùm rerum omnium exactissimam cognitio-nem ac indefatigabilem in exequendo solertiam in eô nunquam non expertus esset, omnium denique consiliorum suorum participem & Administrum esse voluit; & quandoquidem Carolo II. Hispaniarum rege è vivis sublato, atrocissima belli tem-pe-stas per integrum Europam exorta fuisset, ubi integrerrimus Hyerarcha Scyllam inter & charybdin deprehensus non nunquam hærebat, cùm paterno affectu favorem in cunctos quidem æqualiter dispensaret; sed cùm omnibus studeret, neutris aliquando satisfaceret: prudentissimus Vallemani consiliis strenue adjuvabatur; hinc ut eum suo veluti lateri adhærentem perpetuò haberet, Pontificii Palatii præfectum, (quem Ma-jorem Domus nuncupant) denominavit; qua quidem præfecturâ dignissimus judica-batur, qui suæ dudum domui præclara cum laude & intemerata famâ præfuisse. Inde Athenarum Archiepiscopus à Clemente denominatus est. Ea etiam urbs, qualis ipse denique esset, satis eloquebatur; nam uti Athenæ sapientum domicilium, sapientiæ Prytanæum, Schola Græciæ, communis omnium hominum ludus literarius, Græcia Græciæ, anima, Sol, & oculus Græciæ nuncupabatur, ita nullos satis ex condigno ti-tulos reperiam, quibus Josephi Vallemani, suis videlicet Athenis dignissimi, laudes sufficienter expromam. Solonem agit, prudentissimis legibus, quibus subditi probè

informentur, suggestis. Theseus est, aureum vellus ē Colchide referens, cūm insigni beneficentiā aureum gratiarum imbre in cunctos depluat. Platonem exhibet, cūm quibus moribus gentes vivant, faciem ipsem præferat. Demostenem orbi veluti restituit, cūm facundo oris eloquio in sui admirationem cunctos rapiat. Aristotelem propè accedit, altè recondita sapientiā omnia p̄vestigando. Verbo; Apollo est suis Athenis, suōque dignissimus Olympo. Ut in exteris principum aulis, res Romanas dynasta tam sapiens, Iūmo cum fructu curaret, Internuntius Apostolicus ire in Hispaniam à Clemente jubebatur. Gerebatur tunc summa armorum & animorum contentione atrocissimum illud bellum inter Carolum III, Austriacum, & Philippum V. Andegavensem, utroque amplissimam Hispaniarum Monarchiam ad se trahente. Credidisse Julium Cæsarem stare aduersus Magnum Pompejum, & in Ibericō solō de orbis imperio dimicari. Primo omnium Vrbs Barcinonensis in Caroli III, manus devenerat. Cujus fortunam integra mox Catalonia secuta erat. Postea Hispanorum & Gallorum exercitus, cūm Barcinonem recuperare niteretur, pro speratā victoriā decumanam cladem referebat. Inde Arragonia & Regnum Valentiae victoribus patuerat. Imò Germanus miles eodem victoria impetu ad Mantuanum Carpetanorum usque progrediebatur, regiā Aulā, ut impudentem tempestatem declinaret aliquantum egredā. Postea fortuna ad Hispanos reversa, quām comutabilis esset, exhibebat. Et toto illo intermedio tempore Sagacissimus Vallemanus se talem exhibuit, qui in variantibus illis bellorum vicibus, sua tamen Probilissimi Ministri Statione dejiciendus nunquam esset. Plane Clemens XI, probe gnarus, quantum operæ sibi in difficillimis Sacrae Reipublicæ temporibus ejus Viri solertissimo ingenio, & intemerata fide præstatum esset, eum sacro Purpuratorum Collegio A. 1706. 17, Maij cum novendecim aliis magni nominis Viris à se adlegendum putavit, & tunc quidem id Eminentissimo huic purpuro singulare accidit, ut è tanto numero solus & unus à Maximo Pontifice in scrinio pectoris reservaretur; nec nisi anno plusquam integro evoluto, videlicet prima Augusti anni Millesimi septingentesimi Noni, quā dies Augustum pariter futurum innueret, publicè promulgaretur. Ex quo longiori partu (nam maxima quaque tardius ex crescunt) cognoscere licuit, Josephum Vallemanum summum futurum, quem tamdiu Maximus Pontifex sacrato, priusquam effunderet, pectorē gessisset. A. 1709. Fratres sancti Francisci (quos conventuales nuncupamus) in suam protectionem grataanter susceperebat; qui enim beneficam manum denegaret Ordini insigniter pio & docto, ac geminis hisce alis, pietatis videlicet ac doctrinæ astra propemodum contingentī. Nec minus An. 1714. post pium excessum Cardinalis Carpegnani Collegii Sancti Bonaventuræ in urbe Bonnonensi Protector assumptus est, perpetuus doctorum fautor futurus, ut quis ipse denique esset, omnes inde dimentirentur. An. 1715. ardentissima febri correptus pene pro conclamato habebatur, ipsis Medicis longioris vita spem accrībā sententiā præscindentibus. Hinc omnibus sacris fortissimus Christi Athleta strenue munitus mortis horam intrepide expectabat; nam talis fuerat ejus vita, quā mortem neutquam formidaret. Verū liberalissimā eleemosynā, pro ejus incolumente in manus pauperum deportata, orbi pretiosam hujus principis vitam indubie redemerunt. An. 1719. Giacomo Alissi episcopus ē vivis excessit, ultimis tabulis liberaliter testatus, quanti Vallemanorum nomen & sapientiam faceret. An. 1719. Joannem Dominicum Vallemanum ex diurno morbo Florenziis decumbentem amisit, & amissum ingemuit; cūm Hetruscā in aulā sumā gratiā valentem nemo non conspexisset, Vallemanum omnes agnoscerent, utpote Religionē & Sapientia in oculis totius urbis conspicuum. An. 1721. Sacrum Conclave novum orbis orthodoxi caput unā electurus intrabat; nec deerant, qui sacram Tyaram votis eidem destinabant. Ipse tamen ingenti gaudio exultare visus est, cūm Sacra Sors supra Cardinalem Michaëlem Angelum de Comitibus caderet, quem non modo arcto sanguinis nexus, sed intimā etiam, quā maximorum ingeniorum conspiratio est, familiaritate contingebat. Post Innocentii XIII. excessum, cuius regimē quām honorificē, tam breve exstiterat, suo facile unā suffragio in Vincentium Mariam Ursinum ibat, cuius eximiam vitā sanctimoniam, eo utique solo dignissimam, non semel facundo ore deprædicare auditus est. Verū etiam in illa electione Vallemani nomen ceu Pontificis futuri, ad nos exteros delatum est. Is est enim Sacer Purpuratorum Senatus, ut quot proceres, tot Reges numeret; & si ex Dionis effato, victor sui animus verè Rex suo in folio dominans nuncupari poscit, pro Eminentissimo nostro Purpurato pronuntiata sententia est, utpote quem continentissimum, affectibus probè compositum & mira moderationis Principem Ancona patria deprædicat, Hispania experta est, Roma Sancta, veritatis magistra, testimonio omni exceptione majori suffragatur.

No.